



Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-04-02-151-21/21
Sarajevo, 12.01.2021. godine

SKUPŠTINA KANTONA SARAJEVO
gosp. Elvedin Okerić, predsjedavajući Skupštine

PREDMET: Izjašnjenje na zastupničku inicijativu zastupnika Elvisa Vrete, dostavlja se –

VEZA: Vaš akt, br. 01-04-151-21/21 od 06.01.2021. godine

Zastupnik Elvis Vreto, na 32. Radnoj sjednici Skupštine Kantona Sarajevo, održanoj dana 05.01.2021. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članom 213. Poslovnika Skupštine Kantona Sarajevo, pokrenuo je zastupničku inicijativu za donošenje izmjena Zakona o plaćama i naknadama u Kantonu Sarajevo po hitnom postupku kao i da se istim obuhvate i općine u sastavu Kantona Sarajevo, *a s obzirom na ekonomsku krizu uzrokovanu pandemijom i činjenicu da mnoge općine u Kantonu Sarajevo ne poštuju federalne propise o načinu obračuna i određivanja osnovice za plaće za uposlenike javne uprave (obračunavaju znatno veću od nivoa FBiH).*

S tim u vezi, Ministarstvo pravde i uprave dostavlja sljedeće izjašnjenje:

Članovima 5., 58., 59., 60. i 64. Zakona o plaćama i naknadama u organima vlasti u Federaciji Bosne i Hercegovine ("Službene novine Federacije Bosne i Hercegovine" br. 45/10, 111/12 i 20/17) propisano je kako slijedi:

*"Član 5.
(Utvrdjivanje osnovice za obračun plaće)*

Osnovica za obračun plaća utvrđuje se zakonom, odnosno odlukom općinskog i gradskog vijeća o izvršavanju budžeta za svaku budžetsku godinu ili odlukom o privremenom finansiranju i primjenjuje se od 01.01. za svaku narednu godinu.

Pored osnovice za obračun plaća prilikom obračuna plaće koristit će se i bod za obračun plaće koji se utvrđuje zakonom, odnosno odlukom općinskog i gradskog vijeća o izvršavanju budžeta za svaku budžetsku godinu ili odlukom o privremenom finansiranju i primjenjuje se od 01.01. za svaku narednu godinu.



web: <http://mpu.ks.gov.ba>
e-mail: mpu@mpu.ks.gov.ba
Tel: + 387 (0) 33 562-083,
Fax: + 387 (0) 33 562-241
Sarajevo, Reisa Džemaludina Čauševića 1



Utvrđivanje osnovice i bodova vrši se u pregovorima sa reprezentativnim sindikatom, a prije usvajanja zakona, odnosno odluke iz stava 1. ovoga člana. Ukoliko se ne postigne dogovor, Vlada FBiH, vlade kantona, odnosno gradska i opštinska vijeća će utvrditi osnovicu i bod. pri čemu visina osnovice ne može biti niža od prethodno dogovorene, odnosno važeće.

Prilikom utvrđivanja osnovice i boda za obračun plaće iz st. (1) i (2) ovog člana uzet će se u obzir projekcije budžeta za narednu godinu, kao i kretanja GDP i indeksa potrošačkih cijena, a prema podacima Federalnog zavoda za statistiku.

Isplate mjesečnih novčanih primanja, izvršene u skladu sa odredbama ovog zakona su definitivne i konačne."

"Član 58.

Sredstva za plaće i naknade

Finansijska sredstva za plaće i naknade i druga primanja zaposlenih u organima vlasti kantona, općine i grada planiraju se i osiguravaju u budžetu kantona, općine i grada."

"Član 59.

Osnovica za obračun plaće

"Vlade kantona, odnosno općinski načelnici i gradonačelnici u dogovoru sa sindikatom će utvrditi osnovicu za obračun plaća u skladu sa članom 5. ovog Zakona.

Ne može se utvrditi veća osnovica od osnovice utvrđene na federalnom nivou."

"Član 60.

Način utvrđivanja koeficijenata i platnih razreda

"Koeficijenti i platni razredi zaposlenih u organima vlasti kantona, općine i grada se utvrđuju zakonima o plaćama i naknadama zaposlenih u organima vlasti kantona, odnosno odlukama gradskih i općinskih vijeća o plaćama i naknadama zaposlenih u općinskim odnosno gradskim organima vlasti.

Zakonima o plaćama i naknadama zaposlenih u organima vlasti kantona, odnosno odlukama gradskih i općinskih vijeća o plaćama i naknadama u općinskim odnosno gradskim organima vlasti. propisane se koeficijenti za izabrane dužnosnike, nosioce izvršnih funkcija i savjetnike u kantonalnim, gradskim i općinskim organima vlasti, s tim da se ne mogu utvrditi veći koeficijenti od koeficijenata utvrđenih u članu 9. ovog Zakona.

Prilikom utvrđivanja koeficijenata kantoni, općine i gradovi će propisati iste koeficijente za ista radna mjesta u okviru istih platnih razreda za državne službenike i namještenike u skladu sa odredbama čl. 20. i 21. ovog Zakona."

"Član 64.

Organi nadležni za vršenje nadzora

Nadzor nad primjenom ovog zakona vrši Federalno ministarstvo pravde i Federalno ministarstvo finansija, svako u okviru svojih nadležnosti."

Naprijed citirane odredbe federalnog zakona predstavljaju osnov za donošenje odluka gradskih i općinskih vijeća o plaćama i naknadama zaposlenih u općinskim, odnosno gradskim



web: <http://mpu.ks.gov.ba>
e-mail: mpu@mpu.ks.gov.ba;
Tel: + 387 (0) 33 562-083,
Fax: + 387 (0) 33 562-241

Sarajevo, Reisa Džemaludina Čauševića 1



organima vlasti, kojim gradska, odnosno općinska vijeća utvrđuju osnovicu za obračun plaća, te koeficijente i platne razrede zaposlenih u općinskim, odnosno gradskim organima vlasti, u skladu sa Zakonom.

Također, ukazujemo i na odredbe Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine" br. 49/06 i 51/09) kojim se u članu 8. kao vlastita nadležnost jedinica lokalne samouprave navodi "- donošenje budžeta jedinice lokalne samouprave;"

S tim u vezi, ističemo da bi donošenjem izmjena, odnosno dopuna Zakona o plaćama i naknadama u Kantonu Sarajevo, kojim bi bile obuhvaćene i plaće i naknade zaposlenih u općinama u sastavu Kantona Sarajevo, a kako je predloženo u predmetnoj inicijativi, navedeni propis bio u koliziji sa gore pomenutim federalnim zakonima.

Slijedom svega navedenog, upućujemo Vas da se obratite Federalnom ministarstvu pravde i Federalnom ministarstvu finansija da izvrše nadzor nad primjenom odredaba Zakona, te ističemo da bi svako postupanje Ministarstva pravde i uprave Kantona Sarajevo predstavljalo kršenje odredbi navedenog federalnog zakona, kao i nadležnosti Ministarstva pravde i uprave u ovoj oblasti.

S poštovanjem,

Dostaviti:

1. Naslovu;
2. Stručna služba Vlade Kantona Sarajevo – na znanje;
3. a/a.



MINISTRICA

Lejla Brčić



web: <http://mpu.ks.gov.ba>
e-mail: mpu@mpu.ks.gov.ba;
Tel: + 387 (0) 33 562-083,
Fax: + 387 (0) 33 562-241
Sarajevo, Reisa Džemaludina Čauševića 1

